

樂府詩集

二十二

樂府詩集卷第八十九

太原郭

茂倩

編次



雜歌謠辭

謠辭

晉安帝元興初童謠

宋書五行志曰晉栢玄既篡有此童謠及玄敗走至江陵五月中誅如其期焉時又有民謠云征鍾落地栢迸走征鍾至穢之服栢四體之下稱玄自下居上猶征鍾之厠歌謠下體之詠民口也而云落地墜地之祥迸走之言其驗明矣按帝紀栢玄篡位在安帝元興二年十二月也

草生及馬腹烏啄栢玄目

晉安帝元興中童謠

樂府詩集卷八十九

朱宗

宋書五行志曰晉安帝元興中栢玄既得志而有童謠及玄敗走而諸栢悉誅焉郎君司馬元顯也

長干巷巷長干今年殺郎君明年斬諸栢

晉安帝義熙初童謠

晉書五行志曰安帝義熙初童謠時官養盧龍寵以金紫奉以名州養之已極而龍不能懷我好音舉兵內伐遂成讎敵也及敗斬伐其黨如草木之成積焉按列傳盧循小字元龍元興二年寇廣州逐刺史吳隱之自攝州事號平南將軍安帝乃假循征虜將軍廣州刺史義熙中劉裕破循于豫章循走交州為刺史杜慧度所殺官家養蘆化成荻蘆生不止自成積

晉安帝義熙初謠二首

宋書五行志曰盧龍城有廣州民間有謠後擁上流數州之地內逼京輦應天半之言時復有謠言龍後果敗不得入石頭矣

蘆生漫漫竟天半

盧橙橙逐水流東風忽如起那得入石頭

晉吳中童謠

宋書五行志曰晉庾義在吳郡時吳中童謠無幾而庾義王洽相繼亡

寧食下湖苻不食上湖苻庾吳沒命喪復殺王領軍

晉荊州童謠

晉書五行志曰荆仲堪在荊州時童謠未幾而仲堪敗桓玄遂有荊州

梁府詩集八十五

二

卷六

芒籠目繩縛腹躬當敗相當復

晉京口謠

宋書五行志曰晉王恭鎮京口誅王國寶百姓為此謠按昔年食白飯言得志也今年食麥麩麥麩麤穢其精已去明將敗也天公將加譴謫而誅之也撿嚨喉氣不通死之祥也敗復敗丁寧之辭也恭尋死京都大行咳疾而喉並喝焉昔年食白飯今年食麥麩天公誅謫汝教汝撿嚨喉喝復喝京口敗復敗

晉京口民間謠二首

宋書五行志曰晉王恭在京口民間忽有此謠按黃字上恭字頭也小人恭字下也尋如謠言黃頭小人欲作賊阿公在城下指縛得

黃頭小人欲作亂賴得金刀作蕃扞

苻堅時長安謠

晉書載記曰苻堅時長安有此謠堅以鳳皇非梧桐不棲非竹實不食乃植桐竹數十萬株于阿房城以待之後堅為慕容沖所敗入止阿房城焉鳳皇沖小字也

鳳皇鳳皇止阿房

苻堅初童謠

晉書五行志曰苻堅初有此童謠及堅敗於淝水為姚萇所殺在為位凡三十年

阿堅連率三十年後若欲敗時當在江湖邊

苻堅時童謠

晉書載記曰苻堅彊盛時有此童謠堅聞而惡

無所詳集八十九

三

卷末

之每征伐戒軍候云有新城者避之後因壽陽之敗其國大亂竟死於新城佛寺五行志曰時復有謠云魚羊田斗當滅秦識者以為魚羊鮮也田斗卑也堅自號秦言滅之者鮮卑也其羣臣諫堅令盡誅鮮卑堅不從及淮南敗還初為慕容沖所攻又為姚萇所殺身死國滅云

河水清復清苻詔死新城

宋元嘉中魏地童謠

南史曰宋元嘉二十七年魏太武帝圍汝南戍文帝遣臧質比救至盱台太武已過淮自廣陵返攻盱台就質求酒質封溲便與之且報書云不聞童謠言邪虜馬飲江水佛狸死卯年冥期使然非復人事爾智識及眾豈能勝苻堅邪頃

年展爾陸梁者是爾未飲江太歲未卯耳時魏地有童謠故質引之云

輶車北來如穿雉不意虜馬飲江水虜主北歸石濟死虜欲渡江天不徙

梁武帝時謠

南史曰梁武帝天監元年十一月立長子統為皇太子時民間有謠按鹿子開者反語為來子哭也後太子果薨是時長子歡為徐州刺史以嫡孫次應嗣位而帝意在晉安王猶豫未決及立晉安王為皇太子而歡止封豫章郡王還任謠言心徘徊者未定也城中諸少年逐歡歸去來者復還徐方之象也統即昭明太子也

鹿子開城門城門鹿子開當開復未開使我心徘徊城中諸

樂府詩集卷八十九

四

卷八十九

少年逐歡歸去來

梁大同中童謠

隋書五行志曰梁大同中有童謠其後侯景破丹楊乘白馬以青絲為羈勒以應之

青絲白馬壽陽來

梁末童謠

南史曰梁末有童謠及王僧辯滅說者以為僧辯本乘巴馬以擊侯景馬上郎王字也塵謂陳也江東謂殺羊角為阜茨隋氏姓楊楊羊也言陳終滅於隋也

可憐巴馬子一日行千里不見馬上郎但有黃塵起黃塵汚人衣阜茨相料理

陳初童謠

隋書五行志曰陳初有童謠其後陳主果為韓擒所敗擒本名擒虎黃班之謂也破建康之始復乘青驄馬往反時節皆應

黃班青驄馬發自壽陽浹來時冬氣未去日春風始

同前

御路種竹篠蕭蕭已復起合盤貯蓬塊無復揚塵已

陳初時謠

日西夜烏飛拔劍倚梁柱歸去來歸山下

後魏宣武孝明時謠

北史魏本紀曰宣武孝明間謠識者以為索謂魏本索髮焦梨狗子指宇文泰俗謂之黑獺也狐非狐貉非貉焦梨狗子齧斷索

後魏末童謠

樂府詩集八元

五

二十七

北史齊本紀曰後魏末文宣末受禪時有童謠按藁然兩頭於文為高河邊殺獪飛為水邊羊指帝名也於是徐之才勸帝受禪

一束藁兩頭然河邊殺獪飛上天

東魏童謠

北史曰東魏孝靜帝之將立也時有童謠按青雀子謂靜帝實清河王之世子鸚鵡謂齊神武也後竟為齊所滅

可憐青雀子飛來鄴城裏羽翮垂欲成化作鸚鵡子

北齊鄴都童謠

隋書五行志曰齊神武始移都于鄴時有童謠按魏孝靜帝者清河王之子也后則神武之女鄴都宮室未備即逢禪代作窠未成之効也孝

靜尋崩文宣以后為太原長公主降於楊愔時
婁后尚在故言寄書於父母新婦子斥后也

可憐青雀子飛入鄴城裏作窠猶未成舉頭失鄉里寄言與
父母好看新婦子

北齊武定中童謠

隋書五行志曰武定中有童謠按高者齊姓也
澄文襄名五年神武崩摧折之應七年文襄遇
盜所害澄滅之徵也

百尺高竿摧折水底然燈澄滅

北齊文宣時謠

北史齊本紀曰文宣時謠按帝以午年生故曰
馬子三臺石季龍舊居故曰石室三千六百日
十年也文宣在位十年果如謠言

馬子入石室三千六百日

北齊後主武平初童謠

隋書五行志曰武平元年童謠按其年四月隴
東王胡長仁謀遣刺客殺和士開事露反為士
開所譖而死

狐截尾你欲除我我除你

北齊後主武平中童謠二首

隋書五行志曰武平二年童謠小兒唱訖一時
拍手云殺却至七月二十五日御史中丞琅邪
王儼執士開送於南臺而斬之是歲又有童謠
而七月士開被誅九月琅邪王遇害十一月趙
彥深出為西兗州刺史

和士開七月三十日將你向南臺

七月刈禾傷早九月喫餅正好十月洗蕩飯笈十一月出却
趙老

北齊後主武平末童謠

隋書五行志曰武平末有童謠時穆后母子淫
辟干預朝政時人患之穆后小字黃花尋逢齊
亡欲落之應也

黃花勢欲落清尊但滿酌

北齊末鄴中童謠

隋書五行志曰北齊末鄴中有童謠未幾周師
入鄴

金作埽帚玉作把淨埽殿屋迎西家

周初童謠

隋書五行志曰周初有童謠按靜帝隋氏之甥

樂府詩集八

世寶

既遜位而崩諸舅彊盛

白楊樹頭金雞鳴祇有兩舅無外甥

隋煬帝大業中童謠

隋書五行志曰煬帝大業中童謠其後李密坐
楊玄感之逆為吏所拘在路逃叛潛結羣盜自
陽城山而來襲破洛口倉後復屯兵苑內莫浪
語密也字文化及自號許國尋亦破滅誰道許
者蓋驚疑之辭也

桃李子鴻鵠遶陽山宛轉花林裏莫浪語誰道許

唐武德初童謠

新唐書五行志曰竇建德未敗時有此謠也

豆入牛口勢不得久

唐貞觀中高昌國童謠

唐書曰貞觀中高昌國有此童謠其國王文泰使人捕其初唱者不能得帝紀曰十三年以侯君集為文河道行軍大總管帥師伐高昌十四年平之以其地置西州又置安西都護府

高昌兵馬如霜雪漢家兵馬如日月日月照霜雪回首自消滅

唐永淳初童謠

新唐書五行志曰高宗永淳元年童謠是歲七月東都大雨人多殍殍

新禾不入箱新麥不入場迨及八九月狗吠空垣墻

唐高宗永淳中童謠

新唐書五行志曰高宗自調露中欲封嵩山屬突厥叛而止後又欲封以吐蕃入寇遂停時有童謠按舊書武后自封岱之後勸帝封中嶽每

樂府詩集卷之九

下詔草儀注即成饒幸警急而止永淳中既

至山下未及行禮遂於還宮而崩

嵩山凡幾層不畏登不得但恐不得登三度徵兵馬傍道打騰騰

唐武后時童謠

紅綠複裙長千里萬里聞香

唐神龍中謠

新唐書五行志曰中宗神龍以後民謠按山南唐也烏鵲窠者人居寡也山北胡也金駱馳者虜獲而重載也

山南烏鵲窠山北金駱馳鏹柯不鑿孔斧子不施柯

唐中宗時童謠

新唐書五行志曰安樂公主於洛州造安樂寺

時有童謠按舊書安樂公主中宗幼女韋皇后所生初降武崇訓崇訓死降武延秀所造安樂佛寺擬於宮掖巧妙過之

可憐安樂寺了了樹頭懸

唐景龍中謠

新唐書五行志曰景龍中民謠也按會要東都聖善守神龍初中宗為武太后追福所造景龍中復增廣焉

可憐聖善寺身著綠毛衣牽來河裏飲踏殺鯉魚兒

唐天寶中童謠

新唐書五行志曰天寶中安祿山未反時童謠按舊書天寶十四載祿山以范陽叛明年竊號

燕國

樂府詩集八十九

九

月

燕燕飛上天天上女兒鋪白氍毹上有千錢

唐天寶中幽謠

新唐書五行志曰天寶中幽州有此謠也

舊來誇戴竿今日不堪看但看五月裏清水河邊見契丹

唐德宗時童謠

新唐書五行志曰朱泚未敗前兩月有童謠按舊書建中四年朱泚以涇原兵叛僭號曰大秦明年改號曰漢是歲六月兵敗而死

一隻筋兩頭朱五六月化為蛆

唐元和初童謠

新唐書五行志曰元和初童謠既畢乃轉身曰舞了也按舊書志云為十年六月三日武元衡為盜所害之應本傳云打麥謂打麥時也麥打

謂暗中突擊也三三三謂六月三日也既而旋其袖曰舞了也謂元衡之卒也

打麥麥打三三三舞了也

唐咸通中童謠

新唐書五行志曰懿宗咸通七年童謠也

草青青被嚴霜鵲始後看顛狂

唐咸通末成都童謠

新唐書五行志曰咸通十四年成都有童謠是歲歲陰在巳明年在午巳蛇也午馬也

咸通癸巳出無所之蛇去馬來道路稍開頭無片瓦地有殘灰

唐僖宗時童謠

新唐書五行志曰僖宗時有此童謠按舊書云乾符中仍歲凶荒人飢為盜河南尤甚曹州人

樂府詩集八十九

十

剛

王仙芝尚君長聚盜起於濮陽攻剽城邑陷曹

濮鄆等州五年仙芝敗而黃巢之眾攻江西云

金色蝦蟆爭努眼翻却曹州天下反

唐乾符中童謠

新唐書五行志曰乾符六年童謠也

八月無霜塞草青將軍騎馬步空城漢家天子西巡狩猶向江東更索兵

唐中和初童謠

新唐書五行志曰中和初有此童謠按舊書中

和四年黃巢既敗以其殘眾東走李克用追擊至濟陰而還賊散於兗鄆黃巢入泰山至狼虎

谷為其將林言所殺

黃巢走泰山東死在翁家翁

梁太祖時蜀中謠

五代史曰劉知俊初事梁太祖後奔蜀王建雖加寵待然亦忌之常謂近侍曰劉知俊非爾輩能駕馭不如早為之所有嫉之者於里巷間作此謠知俊色黔丑生機繩者王氏子孫皆以宗承為名故以此猜疑之遂見殺於成都

黑牛出圈機繩斷

樂府詩集卷第八十九

樂府詩集卷第八十九

黑牛出圈機繩斷

宋高宗以地畝幾之甚良遂於汝滸

此謠以對色黑丑生機繩者王氏子孫皆以宗

承為名故以此猜疑之遂見殺於成都

此謠以對色黑丑生機繩者王氏子孫皆以宗

承為名故以此猜疑之遂見殺於成都

梁太祖時蜀中謠

樂府詩集卷第九十

太原郭 茂倩 編次

新樂府辭

樂府之名起於漢魏自孝惠帝時夏侯寬爲樂府令始以名官至武帝乃立樂府采詩夜誦有趙代秦楚之謳則採歌謠被聲樂其來蓋亦遠矣凡樂府歌辭有因聲而作歌者若魏之三調歌詩因弦管金石造歌以被之是也有因歌而造聲者若清商吳聲諸曲始皆徒歌旣而被之弦管是也有有聲有辭者若郊廟相和饒歌橫吹等曲是也有有辭無聲者若後人之所述作未必盡被於金石是也新樂府者皆唐世之新歌也以其辭實樂府而未常被於聲故曰新樂

樂府詩集九十

沈氏

府也元微之病後人必襲古題唱和重複謂不如寓意古題刺美見事猶有詩人引古以諷之義近代唯杜甫悲陳陶哀江頭兵車麗人等歌行率皆即事名篇無復倚旁乃與白樂天李公垂輩謂是爲當遂不復更擬古題因劉猛李餘賦樂府詩咸有新意乃作出門等行十餘篇其有雖用古題全無古義則出門行不言離別將進酒特書列女其或頗同古義全創新詞則田家止述軍輸捉捕請先蠲義如此之類皆名樂府由是觀之自風雅之作以至于今莫非諷興當時之事以貽後世之審音者儻採歌謠以被聲樂則新樂府其庶幾焉

樂府雜題

新曲

謝偃

青樓綺閣已含春，凝妝豔粉復如神。細細輕裾全漏影，離離薄扇詎障塵。樽中酒色恒宜滿，曲裏歌聲不厭新。紫鸞欲飛先遶棟，黃鶯始弄即嬌人。撩亂絲垂昏柳陌，參差濃葉暗秦津。上客莫畏斜光晚，自有西園明月輪。

同前二首

長孫無忌

家住朝歌下，早傳名。結伴來遊淇水上，舊長情。玉佩金鈿隨步動，雲羅霧縠逐風輕。轉目機心懸自許，何須更待聽琴聲。

迴雪凌波遊洛浦，遇陳王。婉約娉婷工語笑，侍蘭房。芙蓉綺帳還開，拚翡翠珠被爛齊光。長願今宵奉顏色，不愛聞簫逐鳳皇。

湘川新曲二首

樂府詩集九

杜易簡

昭潭深無底，橘洲淺而浮。本欲凌波去，翻為目成留。願君稍弭楫，無令賤妾羞。

二八相招攜採菱，渡前谿。弱腕隨撓起，纖腰向舸低。自解看花笑，憎聞深竹啼。

小曲新辭二首

白居易

霽色鮮，宮殿秋聲脆。管弦聖明千載樂，歲歲似今年。紅裾明月夜，碧簟早秋時。好向昭陽宿，天源玉漏遲。

公子行

劉希夷

天津橋下陽春水，天津橋上繁華子。馬聲迴合青雲外，人影搖揚綠波裏。綠波清迴玉為砂，青雲離披錦作霞。可憐楊柳傷心樹，可憐桃李斷腸花。此日遨遊邀美女，此時歌舞入倡家。倡家美女鬱金香，飛去飛來公子傍。的的珠簾白日映，娥娥玉顏紅粉妝。花際徘徊雙蛺蝶，池邊顧步兩鴛鴦。傾國傾

城漢武帝為雲為雨楚襄王古來容光人所羨況復今日遙
相見願作輕羅着細腰願為明鏡分嬌面與君相向轉相親
與君雙棲共一身願作貞松千歲古誰論芳槿一朝新百年
同謝西山日千秋萬古北邙塵

同前

陳羽

金羈白面郎何處踏青來馬嬌郎半醉躑躅望樓臺似見樓上
人玲瓏窻戶開隔花聞一笑落日不知迴

同前

韓琮

紫袖長衫色銀蟾半臂花帶裝盤水玉鞍繡坐雲霞別殿承
恩澤飛龍賜渥洼控羅青裊轡鏤象碧重葩意氣催歌舞闌
珊走鈿車袖彰雲縹緲釵轉鳳欹斜珠卷迎歸箔紅籠晃醉
紗唯無難夜日不得似仙家

同前

顧况

輕薄兒白如玉紫陌春風纏馬足雙鎧懸金縷鶻飛長衫刺
雪生犀束綠槐夾道陰初成珊瑚幾節敵流星紅肌拂拂酒
光獐當街背拉金吾行朝遊鼙鼓聲發暮遊鼙鼓聲絕
入門不肯自昇堂美人扶踏金階月

同前

聶夷中

漢代多豪族恩深益嬌逸走馬踏殺人街吏不敢詰紅樓宴
青春數里望雲蔚金缸焰勝晝不畏落暉疾美人盡如月南
威不敢匹芙蓉自天來不向水中出綺席夏雲和碧簫吹鳳
質唯限魯陽死無人駐白日

花樹出墻頭花裏誰家樓一行書不讀身封萬戶侯美人樓
上歌不是古涼州

同前

于鵠

少年初拜太常秋半醉垂鞭見列侯馬上抱雞三市關中

攜劍五陵遊玉簫金管迎歸院錦袖紅妝擁上樓更向苑東
新買宅碧波春水入門流

同前

雍陶

公子風流輕錦繡新裁白紵作春衣金鞭留當誰家酒拂柳
穿花信馬歸

同前二首

張祜

玉堂前後畫簾垂立却花驄待出時紅粉美人擎酒勸錦衣
年少臂鷹隨輕將玉杖敲花片旋把金鞭約柳絲晴日獨遊
三五騎等閑行傍曲江池

春色滿城池杯盤看處移鎧金斜鴈子鞍帕嫩鵝兒買笑歌
桃李尋歌折柳枝可憐明月夜長是管弦隨

同前

孟賓于

錦衣紅奪彩霞明侵曉春遊向野庭不識農夫辛苦力驕驄
踏爛麥青青

樂府詩集九一

四

朱明

將軍行

劉希夷

將軍關轅門耿介當風立諸將欲言事逡巡不敢入劍氣射
雲天鼓聲振原隰黃塵塞路起走馬追兵急彎弓從此去飛
箭如雨集截圍一百重斬首五千級代馬流血死胡人抱鞍
泣古來養甲兵有事常討襲乘我廟堂運坐使干戈戢獻凱
歸京都軍容何翕習

同前

張籍

彈箏峽東有胡塵天子擇日拜將軍蓬萊殿前賜六纛還領
禁兵爲部曲當朝受詔不辭家夜向咸陽原上宿戰車彭彭
旌旗動三十六軍齊上隴隴頭戰勝夜亦行分兵處處收舊
城胡兒殺盡陰磧暮擾擾唯有牛羊聲邊人親戚曾戰歿今
逐官軍收舊骨磧西行見萬里空樂府獨奏將軍功

老將行

王維

少年十五二十時步行奪得胡馬騎射殺山中白額虎肯數
鄴下黃鬚兒一身轉戰三千里一劍曾當百萬師漢兵奮迅
如霹靂虜騎崩騰畏疾藜衛青不敗由天幸李廣無功緣數
奇自從棄置便衰朽世事蹉跎成白首昔時飛箭無全目今
日垂楊生左肘路傍時買故侯瓜門前學種先生柳茫茫古
木連窮巷寥落寒山對虛牖誓令踈勒出飛泉不似潁川空
使酒賀蘭山下陣如雲羽檄交馳日夕聞節使三河募年少
詔書五道出將軍試拂鐵衣如雪色聊持寶劍動星文願得
燕弓射人將恥令越甲鳴吳軍莫嫌舊日雲中守猶堪一戰
取功勳

燕支行

漢家天將才且雄來時謁帝明光宮萬乘親推雙闕下千官

樂府詩集九

五

四

出餞五陵東誓辭甲第金門裏身作長城玉塞中衛霍才堪
一騎將朝廷莫數貳師功趙魏燕韓多勁卒關西俠少何咆
勃報讎只是聞嘗膽飲酒不曾妨刮骨畫戟凋戈白日寒連
旗大旆黃塵沒疊鼓遙翻瀚海波鳴笳亂動關山月麒麟錦
帶佩吳鉤颯沓青驪躍紫騮拔劍已斷天驕臂歸鞍共飲月
支頭漢軍大呼一當百虜騎相看哭且愁教戰雖令赴湯火
終知上將伐謀猷

桃源行

宋陶潛桃花源記曰晉太元中武陵人泂溪捕
魚忽逢桃花林夾岸數百步中無雜樹芳華鮮
美落英繽紛漁人甚異之復前行林盡水源得
一山山有小口髣髴有光乃捨船而入初纔通
人行數十步豁然開朗土地平曠屋舍儼然有

良田美池桑竹之屬阡陌交通雞犬相聞其中
往來種作男女衣著悉如外人黃髮垂髫怡然
自樂見漁人大驚問所從來邀還家爲設酒殺
雞自云先世避秦亂率妻子邑人來此不復出
遂與外人隔絕問今何世乃不知有漢無論魏
晉漁人爲具言皆歎惋停數日辭去曰此中人
語不足爲外人道也旣出得船復由向路處處
誌之其後欲往迷不復得路云

漁舟逐水愛山春兩岸桃花夾古津生看紅樹不知遠行盡
青溪忽值人山口潛行始隈隩山開曠望旋平陸遙看一處
攢雲樹近入千家散花竹樵客初傳漢姓名居人未改秦衣
服居人共住武陵源還從物外起田園月明松下房攏靜日
出雲中雞犬喧驚聞俗客爭來集競引還家問都邑平明問

樂府詩集九十一

六

時

巷埽花開薄暮漁樵乘水入初因避地去人間更問神仙遂
不還峽裏誰知有人事世中遙望空雲山不疑靈境難聞見
塵心未盡思鄉縣出洞無論隔山水辭家終擬長遊衍自謂
經過舊不迷安知峯壑今來變常時只記入山深清溪幾度
到雲林春來遍是桃花水不辨仙源何處尋

同前

劉禹錫

漁舟何招招浮在武陵水拖綸擲餌信流去誤入桃源行數
里清源尋盡花綿綿踏花覓徑至洞前洞門蒼黑煙霧生暗
行數步逢虛明俗人毛骨驚仙子爭來致詞何至此須臾皆
破冰雪顏笑語一作委曲問世間因嗟隱身來種玉不知人
世如風燭筵羞石髓勸客食鐙爇松脂留客宿雞聲犬聲遙
相聞曉光蔥籠開五雲漁人振衣起出戶滿庭無路花紛紛
翻然恐迷鄉縣處一息不肯桃源住桃花滿溪水似鏡塵心

如垢洗不去仙家一出尋無蹤至今水流山重重

春女行

劉希夷

春女顏如玉怨歌陽春曲巫山春樹紅沅江春草綠自憐妖
豔姿妝成獨見愁心伴楊柳春盡亂如絲目極千里餘悠悠
春江水遙想玉關人愁卧金閨裏尚言春花落不知秋風起
嬌愛猶未終悲涼從此始憶昔楚王宮玉樓妝粉紅纖腰弄
明月長袖拂春風容華委曲山光陰不可還桑林變東海富
貴今何在寄言桃李容胡爲閨閣重但看楚王墓唯有數株松

同前

王翰

紫臺穹跨連綠波紅軒鈴匝垂織羅中有一人金作面隔幌
玲瓏遙可見忽聞黃鳥鳴且悲鏡邊含笑着春衣羅袖嬋娟
似無力行拾落花比容色落花一度無再春人生作樂須及
辰君不見楚王臺上紅顏子今日皆成狐兔塵

樂府詩集卷之十

洛陽兒女行

王維

洛陽女兒對門居纔可顏容十五餘良人玉勒乘驄馬侍女
金盤膾鯉魚畫閣朱樓盡相望紅桃綠柳垂簷向羅幃送上
七香車寶扇迎歸九華帳狂夫富貴在青春春意氣驕奢劇季
倫自憐碧玉親教舞不惜珊瑚持與人春窻曙滅九微火九
微片片飛花璪戲罷曾無理曲時妝成祇是薰香坐城中相
識盡繁華日夜經過趙李家誰憐越女顏如玉貧賤江頭自
浣沙

扶南曲五首

翠羽流蘇帳春眠曙不開羞從面色起嬌逐語聲來早向昭
陽殿君王中使催
堂上清弦動堂前綺席陳齊歌盧女曲雙舞洛陽人傾國徒
相看寧知心所親

香氣傳空滿妝華影箔通歌聞天仗外舞出御筵中日暮歸
何處花間長樂宮

宮女還金屋將眠復畏明入春輕衣好半夜薄妝成拂曙朝
前殿玉除多珮聲
朝日照綺窓佳人坐臨鏡散黛恨猶輕插釵嫌未正同心勿
遽遊幸得春妝竟

笑歌行

李白

笑矣乎笑矣乎君不見曲如鉤古人知爾封公侯君不見直
如弦古人知爾死道邊張儀所以只掉三寸舌蘇秦所以不
墾二頃田笑矣乎笑矣乎君不見滄浪老人歌一曲還道滄
浪濯吾足平生不解謀此身虛作離騷遣人讀笑矣乎笑矣
乎趙有豫讓楚屈平賣身買得千年名巢由洗耳有何益夷
齊餓死終無成君愛身後名我愛眼前酒飲酒眼前樂虛名
何處有男兒窮通當有時曲腰向君君不知猛虎不看机上
肉洪鑪不鑄囊中錐笑矣乎笑矣乎甯武子朱買臣叩角行
歌皆負薪今日逢君君不識豈得不如佯狂人

江夏行

憶昔嬌小姿春心亦自持爲言嫁夫壻得免長相思誰知嫁
商賈令人却愁苦自從爲夫妻何曾在鄉土去年下揚州相
送黃鶴樓眼看帆去遠心逐江水流只言期一載誰爲歷三
秋使妾腸欲斷恨君情悠悠東家西舍同時發北去南來不
逾月未知行李遊何方作箇音書能斷絕適來往南浦欲問
西江船正見當壚女紅妝二八年一種爲人妻獨自多悲悽
對鏡便垂淚逢人只欲啼不如輕薄兒旦暮長追隨悔作商
人婦青春長別離如今正好同歡樂君去容華誰得知

橫江詞六首

人言橫江好儂道橫江惡一風一日吹倒山一作猛風吹浪高於瓦官閣

海潮南去過潯陽牛渚由來險馬當橫江欲渡風波惡一水牽愁萬里長

橫江西望阻西秦漢水東流一作楚水東連揚子津白浪如山那可

渡狂風愁殺峭帆人

海神東一作東過惡風回浪打天門石壁開浙江八月何如此

濤似連山噴雪來

橫江館前津吏迎向余東指海雲生郎今欲渡緣何事如此風波不可行

日暈天風霧不開海鯨東蹙百川回驚波一起三山動公無渡河歸去來

靜夜思

樂府詩集九十

九

周

牀前看月光疑是地上霜舉頭望山月低頭思故鄉

黃葛篇

黃葛生洛溪黃花自綿羃青煙蔓長條繚繞幾百尺閨人費素手綵緝作絺綌縫為絕國衣遠寄日南客蒼梧大火落暑服莫輕擲此物雖過時是妾手中跡

采葛行

鮑溶

春溪幾回葛花黃黃麝引子山山香蠻女不惜手足損鉤刀一一牽柔長葛絲茸茸春雪體深澗擇泉清處洗殷勤十指蠶吐絲當窻嫋娜聲高機織成一尺無一兩供進天子五月衣水精夏殿開涼戶冰山繞座猶難御衣親玉體又何如杳然獨對秋風曙鏡湖女兒嫁鮫人鮫綃逼穴色不分吳中角簞泛清水搖曳勝被三素雲自茲貢薦無人惜那敢更爭龍手跡蠻女將來海市頭賣與嶺南貧估客

樂府詩集卷第九十

樂府詩集卷第九十

十一

樂府詩集卷第九十一

太原郭

茂倩

編次

新樂府辭

樂府雜題

祖龍行

韋楚老

漢書五行志曰秦始皇三十六年鄭客從關東
 來至華陰望見黃龍白馬從華山上下知其非
 人道住止而待之遂至持璧與客曰為我遺鎬
 池君因言今年祖龍死忽不見鄭客奉璧即始
 皇二十八年過二所湛壁也是歲始皇死後三
 年而秦滅顏師古曰此直江神告鎬池之神以
 始皇將死爾蘇林曰祖始也龍人君象謂始皇
 也應劭曰祖人之先龍君之象祖龍行蓋出於此

樂府詩集卷九十一

李慎

黑雲兵氣射天裂壯士朝眠黃髮冤結祖龍一夜死沙丘胡亥
 空隨鮑魚轆腐肉偷生二千三偽書先賜扶蘇死墓接驪生
 未乾瑞光已向芒碭起陳勝城中鼓三下秦家天地如崩瓦
 龍蛇撩亂入咸陽少帝空隨侯家馬

鄴都引

張說

君不見魏武草創爭天祿羣雄睚眦相馳逐畫擣壯士破堅
 陣夜接詞人賦華屋都邑繚繞西山陽桑榆漫漫漳河曲城
 郭為墟人改代但有西園明月在鄴傍高塚多貴巨蛾眉曼
 睩共灰塵試上銅臺歌舞處唯有秋風愁殺人

孟門行

崔顥

黃雀銜黃花一作翮花翩翩傍簷隙本擬報君恩如何反彈射金
 壘美酒滿座春平原愛財多眾賓滿堂盡是忠義士何意得
 有讒諛人諛人翻覆那可道能令君心不自保北園新栽桃

李枝根株未固何轉移成陰結子君自取若問傍人那得知

邯鄲宮人怨

邯鄲陌上三月春暮行逢見一婦人自言鄉里本燕趙少小
隨家西入秦母兄憐愛無儔侶五歲名爲阿嬌女七歲辛茸
好顏色八歲黠惠能言語十三兄弟教詩書十五青樓學歌
舞我家青樓臨道傍紗窓綺幔暗聞香日暮笙歌君駐馬春
日妝梳妾斷腸不用城南使君壻本求三十侍中郎何知漢
帝好容色玉輦攜歸登建章建章宮殿不知數萬戶千門深
且長百堵椒塗接青瑣九華閣道連洞房水精簾箔雲母扇
瑠璃窓牖玳瑁牀歲歲年年奉懽宴嬌貴榮華誰不羨恩情
莫比陳皇后寵愛全勝趙飛鸞瑤房侍寢世莫知金屋更衣
人不見誰言一朝復一日君王棄世市朝變宮車出葬茂陵
田賤妾獨留長信殿一朝太子升至尊兩宮人事如掌翻同

樂府詩集卷九十一

二

舊唐書

時侍女見讒毀後來新人莫敢言兄弟印綬皆被奪昔年賞
賜不復存一旦放歸舊鄉里乘車垂淚還入門父母愍我曾
富貴嫁與西舍金王孫念此翻覆復何道百年盛衰誰能保
憶昨尚如春日花悲今已作秋時草少年去去莫停鞭人生
萬事由上天非我今日獨如此古今歇薄皆共然

吳宮怨

衛萬

君不見吳王宮閣臨江起不卷珠簾見江水曉氣晴來雙闕
閒潮聲夜落千門裏句踐城中非舊春姑蘇臺下起黃塵祇
今唯有西江月曾照吳王宮裏人

同前

張籍

吳宮四面秋江水江清露白芙蓉死吳王醉後欲更衣座上
美人嬌不起宮中千門復萬戶君恩返覆誰能數君心與妾
既不同徒向君前作歌舞茱萸滿宮紅實垂秋風裊裊生繁

枝姑蘇臺上夕燕罷佗人侍寢還獨歸白日在天光在地君
今詎得長相棄

青樓曲二首

王昌齡

白馬金鞍從武皇旌旗十萬宿長楊樓頭小婦鳴箏坐遙見
飛塵入建章

馳道楊花滿御溝紅妝綬縮上青樓金章紫綬千餘騎夫壻
朝迴初拜侯

同前

于濟

青樓臨大道一上一迴老所思終不來極目傷春草

中流曲

崔國輔

歸時日尚早更欲向芳洲渡口水流急迴船不自由

聖壽無疆詞十首

韋巨源

文物京華盛謳歌國步康瑤池供壽酒銀漢麗宸章雨露涵

樂府詩集卷之二

三

雙闕雷霆肅萬方代推仙祚遠春共聖恩長鳳宸臨花暖龍
爐傍日香遙知千萬歲天意奉君王

鸞鷲彤庭際軒車綺陌前九城多好色萬井半祥禋人醉逢
堯酒鸞歌荅舜弦花明御溝水香暖禁城天錫宴文逾盛微

歡物更妍無窮豔陽月長照太平年

雲陛臨黃道天門在碧虛大明含睿藻元氣抱宸居戈偃征
苗後詩傳宴鎬初年華富仙苑時哲滿公車化入網緼大恩

垂渙汗餘悠然萬方靜風俗揖華胥

玉漏飄青瑣金鋪麗紫宸雲山九門曙天地一家春瑞靄方
呈賞暄風本配仁巖廊開鳳翼水殿壓鰲身文雅逢明代歡

娛及賤臣年年未央闕恩共物華新

匪共乾坤正歡心品類同紫煙含北極玄澤付東風珠綴留
晴景金莖直曉空發生資盛德交泰讓全功開氣登三事祥

光啓四聰遐荒似川水天外亦朝宗

代是文明晝春當宴喜時鑪煙添柳重宮漏出花遲漢典方
寬律周官正採詩碧霄傳鳳吹紅旭在龍旂造化膺神契陽
和沃聖恩無因隨百獸率舞奉丹墀

睿德符玄化芳情翊太和日輪皇鑒遠天仗聖朝多曙色含
金榜晴光轉玉珂中宮陳廣樂元老進賡歌蓮葉看龜上桐
花識鳳過小臣空擊壤滄海是恩波

物象朝高殿簪裾溢上京春當九衢好天向萬方明樂報簫
韶發林看沆瀣生芙蓉丹闕暖楊柳玉樓晴闔闔開中禁衣
裳儼太清南山同聖壽長獻鳳皇城

日上蒼龍闕香含紫禁林晴光五雲疊春色九天深賞協元
和德文垂雅頌音景雲隨御輦顯氣在宸襟永保無疆壽長
懷不戰心聖朝多慶賜瓊樹粉墻陰

樂府詩集九十一

四

沈敦

化洽生成遂功宣動植知瑞凝三秀草春入萬年枝鳳掖嘉
言進鵷行喜氣隨仗臨丹地近衣對碧山垂渥澤方柔遠聰
明本聽卑願同東觀事長覩漢威儀

朝元引四首

陳陶

帝燭熒煌下九天蓬萊宮曉玉爐煙無央鸞鳳隨金母來賀
薰風一萬年

玉殿雲開露冕旒下方珠翠壓鰲頭天雞唱罷南山曙春色
光輝十二樓

萬寓靈祥擁帝居東華元老薦屠蘇龍池遙望非煙拜五色
瞳矐在玉壺

寶祚河宮一向清龜魚天篆益分明近且誰獻登封草五嶽
齊呼萬歲聲

平蕃曲三首

劉長卿

吹角報蕃營迴軍欲洗兵已教青海外自築漢家城
渺渺成煙孤茫茫塞草枯隴關何用閉萬里不防胡
絕漠大軍還平沙獨戍閑空留一片石萬古在燕山

悲陳陶

杜甫

孟冬十郡良家子血作陳陶澤中水野曠天清無戰聲四萬
義軍同日死羣胡歸來血洗箭仍唱胡歌飲都市都人回面
向北啼日夜更望官軍至

悲青坂

我軍青坂在東門天寒飲馬太白窟黃頭奚兒日向西數騎
彎弓敢馳突山雪河冰野蕭颯青是烽煙白人骨焉得附書
與我軍忍待明年莫倉卒

哀江頭

少陵野老吞聲哭春日潛行曲江曲江頭宮殿鏤千門細柳

樂府詩集九上

五

朱勅

新蒲爲誰綠憶昔霓旌下南苑苑中萬物生顏色昭陽殿裏
第一人同輦隨君侍君側輦前才人帶弓箭白馬嚼齧黃金
勒翻身向天仰射雲一箭正墜雙飛翼明眸皓齒今何在血
汗游魂歸不得清渭東流劍閣深去住彼此無消息人生有
情淚霑臆江水江花豈終極黃昏胡騎塵滿城欲往城南望
城北

一作望
南北

哀王孫

長安城頭頭白烏夜飛延秋門上呼又向人家啄大屋屋底
達官走避胡金鞭斷折九馬死骨肉不待同馳驅腰下寶玦
青珊瑚可憐王孫泣路隅問之不肯道姓名但道困苦乞爲
奴已經百日竄荆棘身上無有字肌膚高帝子孫盡高準龍
種自與常人殊豺狼在邑龍在野王孫善保千金軀不敢長
語臨交衢且爲王孫立斯須昨夜東風吹血腥東來橐駝滿

舊都朔方健兒好身手昔何勇銳今何愚竊聞天子已傳位
聖德北服南單于花門勢面請雪恥慎勿出口他人狙哀哉
王孫慎勿踈五陵佳氣無時無

兵車行

車麟麟馬蕭蕭行人弓箭各在腰爺娘妻子走相送塵埃不
見咸陽橋牽衣頓足攔道哭哭聲直上千雲霄道傍過者問
行人行人但云點行頻或從十五北防河便至四十西營田
去時里正與畧頭歸來頭白還戍邊邊亭流血成海水武皇
開邊意未已君不聞漢家山東二百州千村萬落生荆杞縱
有健婦把鋤犁禾生隴畝無東西況復秦兵耐苦戰被驅不
異犬與雞長者雖有問役夫敢申恨且如今年冬未休關西
卒一云役夫益憤如今縣官急索租租稅從何出信知生
男惡反是生女好生女猶是嫁比鄰生男埋沒隨百草君不
見青海頭古來白骨無人收新鬼煩冤舊鬼哭天陰雨濕聲
啾啾

樂府詩集九十一

六

周彥

來從竇車騎

李益

東髮逢世屯懷恩抱明義讀書良不武學劍慙非智遂別魯
諸生來從竇車騎追兵赴邊急絡馬黃金轡出入燕南陲由
來重意氣自經臯蘭戰又破樓煩地西北護三邊東南留一
尉時過如雲雨參差不自意將軍失恩澤萬事從此異置酒
高樓上薄暮秋風起長戟與我歸歸來同棄置自酌還自飲
非名又非利歌出易水寒琴下雍門淚出逢平樂舊言在天
階侍問我從軍苦自陳少年貴丈夫交四海從論身自致漢
將不封侯蘇卿來遠使令我終此曲此曲成不易貴人難識
心何由知忌諱

憶長安曲二首

岑參

東望望長安正值日初出長安不可見但見長安日
長安何處在只在馬蹄下明日歸長安為君急走馬

九曲詞三首

高適

河圖曰黃河出崑崙山東北流千里折西而行
至於蒲山南流千里至於華山之陰東流千里
至於栢雍北流千里至於下津河水九曲長九
千里入于渤海酈道元水經注曰黃河百里一
小曲千里一曲一直矣新唐書曰天寶中哥舒
翰攻破吐蕃洪濟大莫等城收黃河九曲以其
地置洮陽郡適由是作九曲詞

鐵騎橫行鐵嶺頭西看邏逤取封侯青海只今將飲馬黃河
不用更防秋

許國從來徹廟堂連年不為在疆場將軍天上封侯印御史

臺中異姓王

續九詩集卷十一

七

高適

萬騎爭歌楊柳春千場對舞繡麒麟到處盡逢歡洽事相看
揔是太平人

情人玉清歌

畢耀

洛陽城中有一人名玉清可憐玉清如其名善斜柯能獨立
嬋娟花豔無人及珠為裙玉為纓臨春風吹玉笙悠悠滿天
星萬金閣上晚妝成雲和曲中為慢聲玉梯不得踏搖袂兩盈
盈城頭之日復何情

湘中弦二首

崔塗

煙愁雨細雲冥冥杜蘭香老三湘清故山望斷不知處鷓鴣
隔花啼一聲

蒼山遙遙江潏潏路傍老盡無閑人王孫不見草空綠惆悵
渡頭春復春

湘弦怨

孟郊

昧者理芳草蒿蘭同一鋤狂飈怒秋林曲植同一枯嘉木忌
深蠹哲人悲巧誣靈均入迴流斬尚為良謨我願分眾泉清
濁各異渠我願分眾巢梟鸞相遠居此志諒難保此情竟何
如湘弦少知意孤響空踟躕

湘弦曲

莊南傑

楚琴錚錚夏秋露巫雲雨脚飛朝暮古磬高敲百尺樓孤猿
夜哭千丈樹雲輶碾火聲瓏瓏連山卷盡長江空鷺啼寂寞
花枝雨鬼嘯荒郊松柏風滿堂怨咽悲相續具調中含古離
曲繁弦響絕楚竟遙湘山水碧天山綠

促促曲

李益

促促何促促黃河九回曲嫁與棹船郎空牀將影宿不道君
心不如石那教妾貌長如玉

樂府詩集九十一

八

劉忠

促促詞

王建

促促復刺刺水中無魚山無石少年雖嫁不將歸白頭猶著
父母衣四邊田宅非所有我身不及逐雞飛出門若有歸死
處猛虎當衢向前去百年不遺踏君門在家誰喚為新婦豈
不見他隣舍娘嫁來長在舅姑傍

同前

張籍

促促復促促家貧夫婦歡不足今年為人送租船去年捕魚
在江邊家中姑老子復小自執吳綃輸稅錢家家桑麻滿地
黑念君一身空努力乍教牛蹄團團羊角直君身長在應
不得

樓上女兒曲

盧仝

誰家女兒樓上頭指麾婢子掛簾鉤林花撩亂心之愁卷却
羅袖彈箜篌箜篌歷亂五六弦羅袖掩面啼向天相思泣斷

情不斷落花紛紛心欲穿心欲穿憑欄干相憶柳條綠相思
錦帳寒直綠感君恩愛一回顧使我雙淚長珊珊我有嬌靨
待君笑我有嬌娥待君掃鴛花爛熳君不來及至君來花已
老心腸寸斷誰得知玉階暮塵生青草

青青水中蒲三首

韓愈

青青水中蒲下有一雙魚君今上隴去我在與誰居
青青水中蒲長在水中居寄語浮萍草相隨我不如
青青水中蒲葉短不出水婦人不下堂行子在萬里

樂府詩集卷第九十一

樂府詩集卷第九十二

太原郭

茂倩

編次

新樂府辭

樂府雜題

塞上曲

李白

大漢無中策匈奴犯渭橋五原秋草綠胡馬一何驕命將征
西極橫行陰山側燕支落漢家婦女無花色轉戰渡黃河休
兵樂事多蕭條清萬里瀚海寂無波

同前二首

王昌齡

蟬鳴桑樹間八月蕭關道出塞入塞雲處處黃蘆草從來幽
并客皆向沙場老莫學遊俠兒矜誇紫騮好
邊頭何慘慘已葬霍將軍部曲皆相弔燕南代北聞功勳多
被黜兵馬亦尋分更遣黃龍戍唯當哭塞雲

樂府詩集卷九十二

黃裳

同前

耿緯

慣習干戈事鞍馬初從少小在邊城身微久屬千夫長家遠
多親五郡兄嬾說疆場曾大獲且悲年鬢老長征塞鴻過盡
殘陽裏樓上悽悽暮角聲

同前

司空曙

塞柳接胡桑軍門向大荒幕營隨月鬼兵氣長星芒橫吹催
春酒重裘隔夜霜冰開不防虜青草滿遼陽

同前九曲

僧貫休

幽并兒百萬百戰未曾輸蕃界已深入將軍仍遠圖月明風
拔帳磧暗鬼騎狐但有東歸日甘從筋力枯

中軍殺白馬白日祭蒼蒼號變旗幡亂輦乾草木黃朔雲含
凍雨枯骨放妖光故國今何處參差近鬼方
白鴈兼羌笛幾年垂淚聽陰風吹殺氣永日在青冥遠戍秋

添將邊烽夜雜星嫖姚頭半白猶自看兵經

大雨始無塵邊聲四散聞浸河荒寨柱吹角白頭軍牛馬棘
腥草烏鳶識陣雲征人心力盡枯骨更遭焚

帳幕侵奚界憑陵未可涯擒生行別路尋箭向平沙赤落蒲
桃葉香微甘草花不堪登壠望白日又西斜

地角天涯外人號鬼哭邊大河流敗卒寒日下蒼煙殺氣諸
蕃動軍書一箭傳將軍莫惆悵高處是燕然

山接胡奴水河連勃勃城數州今已伏此命豈堪輕磧吼旄
頭落風乾刁斗清因嗟李陵苦只得沒蕃名

錦袷胡兒黑如漆騎羊上水如箭疾蒲桃酒白鷓脂紅苜蓿
根甜沙鼠出單于右臂何須斷天子昭昭本如日一握鷲鷩

一握絲須知只爲平戎術

去年轉鬪陰山脚生得單于却放却今年深入於不毛胡兵

金府詩集九十二

二

蔣先

拔帳遺弓刀兒男貴展平生志爲國輸忠合天地甲穿雖則
失黃金劔缺猶能生紫氣塞草萋萋兵士苦胡虜如今勿胡
虜封侯十萬始無心玉關生入君看取

同前二首

戎昱

漢將歸來虜塞空旌旗初入玉關東高蹄戰馬三千匹落日
平原秋草中

胡風略地燒連山碎葉孤城未下關山頭烽子聲聲叫知是
將軍夜獵還

同前二首

王維

天驕遠塞行鞘裏寶刀鳴定是酬恩日今朝覺命輕
塞虜常爲敵邊風已報秋平生多志氣箭底覓封侯

同前

周朴

一墜風來一墜砂有人行處沒人家黃河九曲冰先合紫塞

三春不見花

同前

張祜

邊風卷地時日暮帳初移
磧迴三通角山寒一點旗
連收搆索馬引滿射鵰兒
莫道勲功細將軍昔戍師

塞上行

歐陽詹

聞說胡兵欲利秋
昨來投筆到營州
驍雄已許將軍用
邊塞無勞天子憂

同前

鮑溶

西風應時筋角堅
承露牧馬水草冷
可憐黃河九曲盡
氈館牢落胡無影

同前

李昌符

莽倉盧關北孤城
帳幕多客軍甘入陣
老將望回戈樹盡禽
棲草冰堅路在河
汾陽尋下世羌虜肯先和

樂府詩集九十二

二

徐果

同前

周朴

秦築長城在連雲
磧氣侵風吹邊草急
角絕塞鴻沈
世世征人往
年年戰骨深
遼天望鄉者
回首盡霏襟

塞上

高適

東出盧龍塞浩然
客思孤亭堠列萬里
漢兵猶備胡邊塵
滿北溟虜騎正南
驅轉鬪豈長策和親
非遠圖惟昔李將軍
按節出皇都
揔戎掃大漠
一戰擒單于
常懷感激心
願効縱橫謨
倚劔欲誰語
關河空鬱紆

同前

王建

漫漫復淒淒
黃沙暮漸迷人當
故鄉立馬過舊營
嘶斷鴈逢水磧
回軍占雪溪
夜來山下哭應是
送降奚

同前

鮑溶

朔風號薊門
殺氣日夜興
咸陽三千里
鐵馬如飢鷹
行子久

去鄉見山不敢登寒日慘大野虜雲若飛鵬西北防秋軍塵
幢宿層冰匈奴天未喪戰鼓長騰騰漢卒馬上老樊纓空絲
繩誠知天所驕欲罷又不能

同前

李端

二十在邊城軍中得勇名卷旗收敗馬斷磧擁殘兵覆陣烏
鳶起燒山野火明塞閑思遠獵師老厭分營雪嶺無人跡冰
河足鴈聲李陵甘沒此惆悵漢公卿

同前

曹松

邊塞來處闊今日復明朝河凌去聲堅通馬朝雲缺見鷗沙中
程獨泣鄉外隱誰招回首若經歲靈州生柳條

同前

鄭渥

出門何處問西東指畫翻為語論同到此客頭潛覺白未秋
山葉已飄紅帳前影落傳書鴈日下聲交失馬翁早晚回鞭
復南去大衣高蓋漢鄉風

樂府詩集卷之十一

四

李文

同前二首

譚用之

秋風漢北鴈飛天單騎那堪遶賀蘭磧暗更無巖樹影地平
時有野燒瘢貂披寒色和衣冷劔佩胡霜隔匣寒早晚橫戈
似飛尉擁旄深入異田單
鉢略城邊日欲西遊人却憶舊山歸牛羊集水煙黏步鷗鷺
盤空雪滿圍獵騎靜逢邊氣薄戎樓寒對暮煙微橫行摠是
男兒事早晚重來似漢飛

同前

姚合

磧路三千里黃雲覆草平戰須移死地軍諱殺降兵印馬秋
遮虜蒸砂夜築城故鄉歸未得都尉欠功名

同前

張喬

勒兵遼水邊風急卷旌旃絕塞窪無樹平沙勢蓋天雪晴回

探騎月落控鳴弦永定山河誓南歸改漢年

同前二首

周朴

柳色正沉沉風吹秋更深山河空遠道鄉國自鳴砧巷有千家月人無萬里心長城哭崩後寂寞至如今

受降城必破回落隴頭移蕃道北海北謀生今始知

同前

秦韜玉

到處人皆著戰袍麾旗風緊馬蹄勞黑山霜重弓添硬青塚砂平月更高大野幾重閑雪嶺長河無限舊風濤鳳林關外皆唐土猶尚蒐兵數似毛

同前

戴師顏

空磧晝蒼茫沙腥古戰場逢春多霰雪生計在牛羊冷角吹鄉泪乾榆落夢牀從來山水客誰謂到漁陽

同前

江為

樂府詩集卷之十一

五

周唐

萬里黃雲凍不飛磧煙烽火夜深微胡兒移帳寒笳絕雪路時聞探馬歸

同前二首

杜荀鶴

旌旗獵獵漢將軍閑出巡遊帝命新沙塞旋收饒帳幕犬戎時殺少煙塵冰河夜渡偷來馬雪嶺朝飛獵去人獨作書生疑不穩軟弓輕劍也隨身

草白河冰合蕃戎出掠頻戎樓三號火探騎一條塵戰士風霜老將軍雨露新封侯不由此何以慰征人

塞下曲六首

李白

五月天山雪無花祇有寒笛中聞折柳春色未曾看曉戰隨金鼓宵眠抱玉鞍願將腰下劍直為斬樓蘭

天兵下北荒胡馬欲南飲橫戈從百戰直為銜恩甚握雪海上食拂沙隴頭寢何當破月氏然後方高枕

駿馬如風颺鳴鞭出渭橋彎弓辭漢月插羽破天驕陣解星芒盡營空海霧銷功成畫麟閣獨有霍嫖姚

白馬黃金塞雲砂繞夢思那堪愁苦節遠憶邊城兒螢飛秋窓滿月度霜閨遲摧殘梧桐葉蕭颯沙棠枝無時獨不見淚流空自知

塞虜乘秋下天兵出漢家將軍分虎竹戰士卧龍沙邊月隨弓影胡霜拂劍花玉關殊未入少婦莫長嗟

烽火動沙漠連照甘泉雲漢皇按劍起還召李將軍兵氣天上合鼓聲隴底聞橫行負勇氣一戰靜妖氛

同前

郭元振

塞外虜塵飛頻年出武威死生隨玉劍辛苦向金微久戍人將老長征馬不肥仍聞酒泉郡已合數重圍

同前二首

王昌齡

樂府詩集九十二

六

月

飲馬渡秋水水寒風似刀平沙日未沒黯黯見臨洮昔日長

城戰

一作當日龍城戰

咸言意氣高黃塵是今古

一作黃沙滿今古

白骨亂

蓬蒿

秋風夜渡河吹却鴈門桑遙見胡地獵韞馬宿嚴霜五道分兵去孤軍百戰場功多翻下獄士卒但心傷

同前二首

馬戴

旌旗倒北風霜霰逐南鴻夜救龍城急朝焚虜帳空骨銷金鏃在鬢改玉關中却想羲皇代無人說戰功

廣漠雲凝慘日斜飛霰生燒山搜猛獸伏道擊回兵風折旗竿曲沙埋樹杪

一作塞路

平黃雲飛旦夕偏奏苦寒聲

同前

張籍

邊州八月修城堡候騎先燒磧中草胡風吹沙度隴飛隴頭林木無北枝將軍閱兵青塞下鳴鼓逢逢促獵圍天寒山路

石斷裂白日不銷帳上雪烏孫國亂多降胡詔使名王持漢節年年征戰不得閑邊人殺盡唯空山

同前

于濟

赤子別父母犬戎圍邏娑戰鼓聲未齊烏鳶已相賀燕然山上雲半是離鄉竟衛霍待富貴不知誰與論

同前

陶翰

進軍飛狐北窮寇勢將變落日沙塵昏背河更一戰駢馬黃金勒彫弓白羽箭射殺左賢王歸奏未央殿欲言塞下事天子不召見東出咸陽門哀哀淚如霰

同前二首

李益

蕃州部落能結束朝馳暮獵黃河曲燕歌未斷塞鴻飛牧馬羣嘶邊草綠秦築長城城已摧漢武北上單于臺古來征戰虜不盡今日還復天兵來黃河東流流九折沙場埋恨何時

樂府詩集九十一

七

合

絕蔡琰沒處造胡笳蘇武歸來持漢節爲報如今都護雄匈奴旦莫下雲中請書塞北陰山石願勒燕然車騎功漢家今上郡秦塞古長城有日雲長慘無風沙自驚當今天子不戰四夷平

樂府詩集卷第九十二

樂府詩集卷第九十三

太原郭

茂倩

編次

新樂府辭

樂府雜題

塞下曲十一首

僧貫休

下營依遁甲分師把河隍地使人心惡風吹旗燄荒搜山見
探卒放火獵黃羊唯有南飛鴈聲聲斷客腸
歸去是何年山連邏迤川蒼黃曾戰地空闊養鷗天旗插蒸
沙堡槍擔卓槩泉蕭條寒日落號今徹窮邊
虜寇日相持如龍馬不肥突圍金甲破趁賊鐵槍飛漢月堂
堂上胡雲慘慘微黃河冰已合猶未送征衣
南北唯堪恨東西實可嗟常飛侵夏雪何處有人家風刮陰
山薄河推大岸斜只應寒夜夢時見故園花

樂府詩集九十三

余永

不是將軍勇胡兵豈易當雨曾淋火陣箭又中金瘡鐵嶺全
無土豺羣亦有狼因思無戰日天子是陶唐

榆葉飄蕭盡關防烽寨重寒來知馬疾戰後覺人兇燒逐飛
蓬死沙生毒霧濃誰能奏明主功業已堪封

萬戰千征地蒼茫古寨門陰兵爲客崇惡酒發刀痕風落崑
崙食河萌苜蓿根將軍更移帳日日近西蕃

古塞腥膻地胡兵聚如蠅寒鷗中髀石落在黃河冰蒼茫邏
迤城枿枿賊氣興鑄金禱秋穹還擬相憑陵

戰骨踐成塵飛入征人目黃雲忽變黑戰鬼作陣哭陰風吼
大漠火號出不得誰爲天子前唱此邊城曲

日向平沙出還向平沙沒飛蓬落陣營驚鷗去天末帝鄉青
樓倚霄漢歌吹掀天對花月豈知塞上望鄉人日日雙眸滴
清血

狼煙作陣雲匈奴愛輕敵領兵不知數牛羊復吞積嚴冬大河枯嫖姚去深擊戰血染黃沙風吹映天赤

同前六首

盧綸

鷲翎金僕姑鷲尾繡螭弧獨立揚新令千營共一呼
林暗草驚風將軍夜引弓平明尋白羽沒在石稜中
月黑鴈飛高單于夜遁逃欲將輕騎逐大雪滿弓刀
野幕蔽瓊筵羌戎賀勞旋醉和金甲舞雷鼓動山川
調箭又呼鷹俱聞出世能奔狐將迸雉掃盡古丘陵
亭亭七葉貴蕩蕩一隅清他日題麟閣唯應獨不名

同前二首

僧皎然

寒塞無因見落梅胡人吹入笛聲來勞勞亭上春應度夜夜城南戰未回

都護今年破武威胡沙萬里鳥空飛旄竿瀚海掃雲出甕騎

樂府詩集九十三

二

余永

天山踏雪歸

同前

李賀

胡角引北風薊門白於水天含青海道城頭見千里露下旗
濛濛寒金鳴夜刻蕃甲鏖蛇鱗馬嘶青塚白秋靜是旄頭沙
遠席箕愁帳北天應盡河聲出塞流

同前

劉駕

勒兵遼水邊風急卷旌旃絕塞陰無草平沙去盡天下營看
斗建傳號信狼煙聖代書青史當時破虜年

同前二首

王維

辛勤幾出黃花戍迢遞初隨細柳營塞晚每愁殘月苦邊秋
更逐斷蓬驚

年少辭家從冠軍金裝寶劍去邀勳不知馬骨傷寒水唯見
龍城起暮雲

同前二首

令狐楚

雪滿衣裳冰滿鬢
曉隨飛將伐單于
平生志氣今何在
把得家書淚似珠
邊草蕭條塞鴈飛
征人南望盡
霑衣黃塵滿
面長須戰白髮
生頭未得歸

同前五首

張仲素

三戍漁陽再渡遼
驂弓在臂劍橫腰
匈奴欲似知名姓
休傍陰山更射鵰

獵馬千羣鴈幾雙
燕然山下碧油幢
傳聲漢北單于破
火照旌旗夜受降

朔雪飄飄開鴈門
平沙歷亂卷蓬根
功名恥計擒生數
直斬樓蘭報國恩

隴水潺湲隴樹秋
征人到此淚雙流
鄉關萬里無因見
西戍河源早晚休

蘇詩卷九十三

二

潘氏

陰磧茫茫塞草腓
枯棹烽上暮煙飛
交河北望天連海
蘇武曾將漢節歸

同前六首

戎昱

慘慘寒日沒
北風卷蓬根
將軍領疲兵
却入古塞門
回頭指陰山
殺氣成黃雲

上山望胡兵
胡馬馳驟速
黃河冰已合
意又向南牧
嫖姚夜出軍
霜雪割人肉

塞北無草木
烏鳶巢僵屍
決漭沙漠空
終日胡風吹
戰卒多苦辛
苦辛無四時

晚渡西海西
向東看日沒
傍岸砂礫堆
半和戰兵骨
單于竟未滅
陰氣常勃勃

城上畫角哀
則知兵辛苦
試問左右人
無言淚如雨
何意休

明時終年事鼙鼓

北風凋白草胡馬日駸駸夜後成樓月秋來邊將心鐵衣霜
露重戰馬歲年深自有盧龍塞煙塵飛至今

同前

丁稜

北風鳴晚角雨雪塞雲低烽舉戰軍動天寒征馬嘶出營紅
旆展過磧暗沙迷諸將年皆老何時罷鼓鼙

同前

郎士元

寶刀塞上兒身經百戰曾百勝壯心竟未嫖姚知白草山頭
日初沒黃沙戍下悲歌發蕭條夜靜邊風吹獨倚營門望秋月

同前

許渾

夜戰桑乾雪秦兵半不歸朝來有鄉信猶自寄征衣

同前

周朴

石國胡兒向磧東愛吹橫笛引秋風夜來雲雨皆飛盡月照

樂府詩集九十三

四

朱勣

平沙萬里空

同前二首

張祜

二十逐嫖姚分兵遠戍遼雪迷經塞夜冰壯渡河朝促放鵬
難下生騎馬未調小儒何足問看取劍橫腰

萬里配長陁連年慣野營入羣來揀馬拋伴去擒生箭插鵬
翎闊弓盤鵠角輕問看行遠近西去受降城

塞下

李宣遠

秋日并州路黃榆落故關孤城吹角罷數騎射鴈還帳幕遙
臨水牛羊自下山行人正垂淚烽火起雲間

同前三首

沈彬

塞葉聲悲秋欲霜寒山數點下牛羊映霞旅雁隨疎雨向磧
行人帶夕陽邊騎不來沙路失國恩深後海城荒胡兒向化
新成長猶自千回問漢王

貴主和親殺氣沈燕山
閑獵鼓聲音旗分雪草
偷邊馬箭入寒雲
落塞禽隴月盡牽鄉思
動戰衣誰寄淚痕深
金釵謾作封侯別
擘破佳人萬里心
月冷榆關過鴈行
將軍寒笛老思鄉
貳師骨恨千夫壯
李廣蒐飛一劍長
戎角就沙催落日
陰雲分磧護秋霜
誰知漢武輕中國
閑奪天山草木荒

交河塞下曲

胡曾

交河冰薄日遲遲
漢將思家感別離
塞北草生蘇武泣
隴西雲起李陵悲
曉侵雉堞烏先覺
春入關山鴈獨知
何處疲兵心最苦
夕陽樓上笛聲時

汾陰行

李嶠

君不見昔日西京全盛時
汾陰后土親祭祠
齊宮宿寢設厨供
撞鐘鳴鼓樹羽旗
漢家五世才且雄
賓延萬靈服九戎
柏

樂府詩集卷之三

五

將末

梁賦詩高宴罷
詔書法駕幸河東
河東太守親掃除
奉迎至尊導鑾輿
五營將校列容衛
三河縱觀空里閭
回旌駐蹕降靈場
焚香奠醑邀百祥
金鼎發食正焜煌
靈祇煒燁攄景光
埋玉陳牲禮神畢
舉麾上馬乘輿出
彼汾之曲嘉可游
木蘭為幟桂為舟
櫂歌微吟綵鷁浮
簫鼓哀鳴白雲秋
歡娛宴洽賜羣后
家家復除戶牛酒
聲明動天樂無有
千秋萬歲南山壽
自從天子向秦關
玉輦金車不復還
珠簾羽帳長寂寞
奠鼎湖龍驍安可攀
千齡人事一朝空
四海為家此路窮
雄豪意氣今何在
壇場宮館盡蒿蓬
路逢古老長歎息
世事回環不可測
昔時青樓對歌舞
今日黃埃聚荆棘
山川滿目淚沾衣
富貴榮華能幾時
不見只今汾水上
唯有年年秋鴈飛

大梁行

唐堯客

客有成都來為我
彈鳴琴前彈別鶴
操後奏大梁吟
大梁傷

客情荒臺對古城版築有陳迹歌吹無遺聲雄哉魏公子疇
日好羅英秀士三千人煌煌象列星金槌奪晉鄙白刃刎侯
嬴邯鄲救趙北函谷走秦兵君子榮且昧忠信莫之明間諜
忽來及雄圖靡克成千齡萬化盡但見榮與清舊國多狐兔
夷門荆棘生蒼梧彩雲沒汲浦綠池平聞有東山去蕭蕭班
馬鳴河洲寒宿莽日夕淚沾纓因之唁公子慷慨此歌行

同前

高適

古城莽蒼饒荆榛驅馬荒城愁殺人魏王宮觀盡禾黍信陵
賓客隨灰塵憶昔雄都舊朝市軒車照曜歌鐘起軍容帶甲
三十萬國步連衡一千里全盛須臾那可論高臺曲池無復
存遺墟但見狐狸跡古地空多餘一作草木根暮天搖落傷懷
抱撫劍悲歌對秋草俠客猶傳朱亥名行人尚識夷門道白
壁黃金萬戶侯寶刀駿馬填山丘年代淒涼不可問往來唯
見水東流

樂府詩集九三

六

周浩

洛陽行

張籍

洛陽宮闕當中州城上峩峩十二樓翠華西去幾時返梟巢
乳鳥藏鷖鷺御門空鎖五十年稅彼農夫修玉殿六街朝暮
鼓鼙襲禁兵持戟守空宮百官月月謝拜表驛使相續長安道
上陽宮樹黃復綠野犴入苑食麋鹿陌上老翁雙淚垂共說
武皇巡幸時

永嘉行

晉書曰懷帝永嘉五年六月劉曜王彌陷洛陽
入于南宮升太極前殿縱兵大掠悉收宮人珍
寶曜於是害諸王公及百官已下三萬餘人遷
帝於平陽劉聰以帝為會稽公按劉元海本匈
奴冒頓之後曜其族子也

黃頭鮮卑入洛陽胡兒持戟昇明堂晉家天子作降虜公卿
齊走如牛羊紫陌旌旛暗相觸家家雞犬驚土屋婦人出門
隨亂兵夫死眼前不敢哭九州諸侯自曠土無人領兵來護
主北人避胡多在南南人至今能晉語

田家行

王建

男聲欣欣女顏悅人家不怨言語別五月雖熱交風清簷頭
索索繰車鳴野蠶作蠶人不取葉間撲撲秋蛾生交收上場
絹在軸的知輸得官家足不願望一作入口復上身且免向城
賣黃犢田家衣食無厚薄不見縣門身即樂

同前

元稹

牛吒吒田确确旱塊敲牛蹄趵趵種得官倉珠顆穀六十年
來兵簇簇日月食糧車轉轉一日官軍收海服驅牛駕車食
羊肉歸來收得牛兩角重鑄樓犁作斤斲姑春婦言輸官不
足歸賣屋願官早勝讎早覆農死有兒牛有犢不遣官軍糧
不足

樂府詩集九十一

七

思遠人

王建

妾思常懸懸君行復綿綿征途向何處碧海與青天歲久自
有念誰令長在邊少年若不歸蕭室如黃泉

同前

張籍

野橋春水清橋上送君行去去人應老年年草自生出門看
遠道無信向邊城楊柳別離處秋蟬今復鳴

憶遠曲

水上山沈沈征途渡遠林途荒人行少馬跡猶可尋雪中獨
立樹海口失侶禽誰愛如長綿千里縈我心

同前

元稹

憶遠曲郎身不遠郎心遠沙隨郎飯俱在起郎意看沙那比



